

# Reapertura di MiraMar Restaurant na De Palm Island cu 'look' nobo completo

*Den renobacion a ser uza material antislip, reciclahe y mas duradero*



**ORANJESTAD** - Diaranson pasa a tuma luga un ceremonia oficial riba De Palm Island. Sr. Harold Malmberg, doño di De Palm Corporation N.V. a corta e cinta na MiraMar Restaurant, pa asina habri bek oficialmente e restaurant despues di cuater luna di renobacion, un inversion cu ta representa mas cu Afl. 350,000. Invitadonan tabata miembronan di prensa, e shareholders di De Palm Corporation – e famia Malmberg, managers di De Palm y e maintenance crew cu a traha duro pa caba cu e proyecto na ora. Pa loke ta e 'look' nobo di e restaurant, e ta un facelift completo. Inmediatamente ora bo dreña, por nota cu e vloer a wordo replaced full, cu un material cu yama Verkadeck, cu ta un tipo di PVC.

E motibo pa scoge e material aki ta cu e material ta antislip, reciclahe y mas duradero. E support beams den awa tambe a wordo replaced full. E restaurant awor tin bentana cu por wordo habri of cera depende e temperatura. Pa loke ta e buffet area mes, esey tin un look nobo hopi bunita di graniet preto, cu ta laga e cuminda musta mas nechi ainda. E cambio cu ta val op mas ta tur e mueblenan nobo nobo, traha di marine grade polymer (mescun material cu nan ta uza pa traha yacht decks) cu stoelnan y mesanan hopi comodo y bunita.

MiraMar Restaurant ta situa riba De Palm Island, y ta situa como pier banda di e lama bunita. Den e restaurant bo ta haya bo all-inclusive breakfast buffet, cu ta inclui un omelet station nobo y e all inclusive lunch buffet, y e menu ta inclui por ehempel, BBQ, pasta station, buffet di berdura, fruta, sopi y diferente deserts. MiraMar riba De Palm Island ta habri pa desayuno y lunch-buffet 7 dia pa siman entre 9 am te cu 3 pm y ta parti di e all-inclusive concepto di De Palm Island.

Pa e long weekend cu ta bini di Aña di la Reina, sigur bishitantenan por disfruta di e apertura di e restaurant. Riba Dialuna 30 di april y Diamars 1 di mei tin live music (PM band) di 2pm pa 5pm. Riba di 30 di april mes, lo tin diferente

wega pa e muchanan manera koekhappen, snoephappen y lo tin patatje oorlog riba e menu tambe!

Pa disfruta riba De Palm Island e long weekend cu ta bini, por yama De Palm Tours of pasa na oficina pa cumpira bo carchi na Port de Palm. □

